

գուցի նաև Ուրարտուում¹⁸։ Մեծ նշանակություն ստացավ արամեերենը արեմենյան կայսրության սահմաններում, որպես պետական լեզու։ Բնական է, որ այդ իրավիճակը պետք է տարածվեր նաև արեմենյան կայսրության կազմի մեջ մտնող Հայկական սատրապության վրա։ Անուղղակի տվյալներ կան այն մասին, որ երկուսն էլ սատրապի (մ. թ. ա. IV դարի երկրորդ կես) դիվանատունը օգտագործում էր արամեերենը իր պաշտոնական գրագրությունների մամանակ։

Իրեն նրվանդունի հորջորջող և այդ միջոցով Արեմենյանների հետ ազդակցական կապ հաստատելու ձգտող Արտաշեսը, բնականաբար, պիտի ուզեր վերականգնել արեմենյան գրասենյակային պրակտիկայի հին ավանդույթը, մանա-

վանդ որ արամեերենի օգտագործումը հունականությունը պարտադրող Սելևկյան տերությունը հակադրվելու միջոց էր։

Ապիտակի նորագյուտ կոթողը, ընդարձակելով Արտաշեսի սահմանաքարերի տարածման շրջանները դեպի պատմական Գուգարքը, մի անգամ ևս հաստատում է նրանց մասին Մովսես Խորենացու հաղորդածի արժանահավատությունը և մեծ նշանակություն ունի հին Հայաստանի սոցիալ-տնտեսական կյանքում մ. թ. ա. II դարի առաջին կեսին իրագործվող ուղադրավ՝ միջոցառումներից մեկը՝ հողային ռեֆորմը ճիշտ հասկանալու համար։

Գ. ՏԻՐԱՅՅԱՆ

ՆՈՅԵՄԲԵՐՅԱՆԻ ԲԵՐԴԱՏԵՂԻ ԴԱՄԲԱՐԱՆԱԴԱՇՏԸ

1976 թ. հունվարին Նոյեմբերյանի շրջկենտրոնից 2 կմ հյուսիս-արևելք, շինարարության ժամանակ բացվեցին դամբարաններ, որոնք պատկանում են Նոյեմբերյանի Բերդատեղ կոչվող կիկլոպյան ամրոց-բնակատեղիի նորահայտ մի ընդարձակ դամբարանադաշտի։ Ամբողջը, որ հիշեցնում է ուրարտական տիպի կառույց, Նոյեմբերյանի շրջանի կիկլոպյան առավել ուշ ժամանակաշրջանի շինություններից է։ Հիմնական բնակչությունն ապրել է ամրոցի շրջակայքում, ուր հայտնաբերված են բազմաթիվ կացարանների հետքերը։ Հարթ, տափարակ դագաթ ունեցող բարձունքի հարավ-արևելյան սարահանջին ձգվում է սպիտակ ֆելզիտի բարձանքը։ Ցավոք, դամբարանադաշտն ավերել էին այստեղ աշխատած բուլղոզերները։ Մեզ հաջողվեց փրկել միայն որոշ նյութեր ու պեղել շուրջ 10 դամբարան։ Դատելով դամբարանների ձևերից և նրանցում հայտնաբերված հնագիտական նյութերից, պետք է ենթադրել, որ այստեղ թաղումներ կատարվել են մի քանի հարյուր տարի՝ սկսած զարգացած երկաթի դարաշրջանից մինչև վաղ հայկականը։ Թաղման իրենց ձևերով դամբարանները տարբեր տիպի են։ Համեմատաբար շատ են ուղղանկյունաձև քարաբլդները։ Սրանցից ավելի երկարավունները սալիկներով բաժանված


են երկու մասի՝ հանգուցյալների ոտքերի կողմում խեցեղենը դնելու նպատակով։ Դամբարանների առանձին օրինակներ թոնրաձև տեսք ունեն։ շրջափակված մանր սալիկներով։

Դամբարանադաշտի նյութերի ուսումնասիրությունը բերում է այն ենթադրության, որ վաղ հայկական տեղաբնիկներն ունեցել են զարգացած երկրագործություն, անասնապահություն, խեցեգործություն։ Ստորև ներկայացնում ենք Բերդատեղի դամբարանադաշտի հնագիտական հուշարձանները՝ ըստ դամբարանների, անդրադառնալով առավել տիպականներին։

Առաջին դամբարանը կողմնորոշված է արեւելքից-արևմուտք։ Դամբարանի խեցեղենը, որ պատրաստված է կոշտ ավազախուր կավից, ունի հաստ պատեր և որոշ չափով՝ գունազրկված սև փայլ։ Դամբարանադաշտի խեցիներից կրոր հատակ ունեցող գնդաձև գավերից ավելի մեծը (աղ. II, 6) ունի սև փայլ։ Նրա փորի պարագիծը Զ1, իսկ բերանի լայնությունը՝ 9 սմ է։ Գավը զարդարուն է։ Բոնակի տակից անցնում են հատիկանման եռաշար նախշեր, իսկ փորի մեջտեղով՝ միմյանց զուգահեռ գծեր, որոնք հատվում են վզի տակից մինչև հատակն իջնող եռանկյունաձև երկրաչափական նախշերով։ Դամբարանում գտնվեցին բրոնզե խողովակաձև զարդեր, շղթաներ, թռչունիկամ օձի գլխի նման օղակաձև բրոնզե ճարմանդ և կոճակներ (աղ. IV, 4)։ Բրոնզե իրերից դամբարանում հանդիպեցին նաև 10 և 11 սմ տրամագծով վահանակներ, որոնք երիզված են նուրբ ու բարակ գծանախշերով։ Նրանցից ամենամեծն ունի հասկանման նախշեր։

Երկրորդ ուղղանկյունաձև դամբարանը շրջափակված էր 7 սմ հաստության սալերով։ Դամ-


¹⁸ Б. Б. Пиотровский, Кармир-блур, I, Ерewan, 1950, էջ 76—77; Г. А. Тирацян, Некоторые аспекты внутренней организации армянского сатрапии («Պատմա-բանասիրական հանդես», 1972, № 2) հոդվածի «К вопросу о ханцелярии и писце сатрапа» բաժինը։



Աղ. I

Քարանը սալիկով բաժանված է երկու մասի, ընդ որում փոքր մասում (ոտքերի ուղղությամբ վերջացող հատվածում) դրված էր մի մեծ կնուճ, իսկ մեծում, որի երկարությունը 70 և լայնությունը 42 սմ է, թաղված էր հանգուցյալը: Դեռ տեղի մակերեսից մինչև դամբարանի ծածկասալը 75 սմ է, իսկ դամբարանի խորությունը՝ 68 սմ: Դամբարանադաշտում հանդիպեցին այդ տիպի երեք դամբարան, որ լավ են պահպանվել: Լավ է պահպանվել նաև նստած վիճակում թաղված հանգուցյալի ամբողջ կմախքը: Նրա շուրջը թափված են ոչխարի, խոզի, թռչունի ոսկորներ: Սալիկով բաժանված դամբարանի փոքր հատվածում դրված էին երկու

վարդա-կավապույն կավաման, որոնցից մեկը կոտրված ունկով սափոր է (աղ. II, 3),՝ դրված մի մեծ կավամանի մեջ (բարձրությունը՝ 7 սմ, բերանի տրամագիծը՝ 6, հատակինը՝ 4,5 սմ): Երկրորդը արկունականի մեծ կավանոթ է, որի բունակներից մեկը կոտրված է (աղ. II, 5): Սրա փոքր տրամագիծը 35 սմ է: Դամբարանից գտնվեցին տարբեր չափերի բրոնզե շղթաներ (աղ. III, 4), որոնցից մեկը պատրաստված է բարակ ու նուրբ օղակներից, իսկ մյուսը՝ միմյանց մեջ հագցված բրոնզե թիթեղյակներից: Բացի նշվածներից, գտնվեցին նաև բրոնզե կոճակներ, ուլունքներ (որոնք շարված էին երկաթե ուլունքների հետ խառը), մեկ հատված




Աղ. II

հանակ՝ 10 սմ տրամագծով և մեկ օղակաձև ճարմանդ, որի նմանը մինչև այժմ չի հայտնարերվել շրջանի տարածքում: Թռչնակերպ գլխիկով օղակաձև ճարմանդի կրկնօրինակներից դամբարանադաշտում հանդիպեցին մի քանի հատ (աղ. IV, 3—4):

Ներուղ դամբարանը, որ նման է երկրորդին, գտնվում է 2 մ հեռավորության վրա: Սրա ընդհանուր երկարությունը 181 սմ է, հանգուցյալի գլխի կողմում լայնությունը՝ 54, ոտքերի կողմում՝ 42 սմ է: Դամբարանի մեծ հատվածի երկարությունը (ուր թաղված էին երկու հանգուցյալ) 130 սմ է, իսկ բաժանարար սալիկով անջատված փոքր հատվածի երկարությունը՝ 45 սմ: Հանգուցյալների մոտ դրված էին երկաթե սուր և նիզակ (աղ. IV, 2): Քայքայված

նիզակն ունի 20 սմ երկարություն, իսկ կոթառի լայն կողմում՝ 6 սմ լայնություն: Սուրը, որ նույնպես քայքայված է, ունի 25 սմ երկարություն և շեղքի 2,5 սմ լայնություն: Դամբարանում գտնվեցին ապակու մածուկից սպիտակ, գնդաձև, գլանաձև, ինչպես նաև ապակուց պատրաստված սրտաձև, ամպագույն և կաթնագույն ուլունքներ (աղ. II, 4), ինչպես նաև բրոնզի ու երկաթից պատրաստված այլ զարդեր: Դամբարանում դրված գավը և թասիկը պատրաստված են լավ մաղած մանր ավազախառը կավից, ունեն կապույտ գույնի ամուր միջնապատեր, իսկ արտաքին մակերեսը վարդա-կավագույն է: Գավը, որի պուոնկը և ունկը կոտրված են (աղ. I, 8), ունի 44 սմ բարձրություն և փորի 93 սմ պարագիծ: Կավամաններից փոքրը՝




Աղ. III

Թասիկը, ունի բարակ պատեր և նուրբ պոռնկներ (աղ. I, 2): Նրա բերանի տրամագիծը 11,5, իսկ բարձրությունը և տակի տրամագիծը՝ 4,5 սմ է: Թասիկը կողքից ունի ըլթակ (պողիկ), իսկ հատակին՝ փոսիկ: Նույն մեծության նրա կրկնօրինակը հանդիպեց ավերված դամբարաններից մեկում (աղ. I, 3):

Չուրուրդ դամբարանը, որ գտնվում է դամբարանադաշտի կենտրոնում, սովորական քարարկղ է: Նրա խեցեղենը սև գույնի է, պատճառով է կոշտ ավազախառը կավից և ունի

հաստ սլառեր: Խեցանոթներից լայնարերան գավր (աղ. III, 1) ունի տանձանման, վեր ձգված վզիկ, նուրբ ու փռված շուրթեր, որոնց տակից միմյանց զուգահեռ անցնում են 5 պծեր, իսկ նրանց սուկից դեպի հատակ են իջնում ի իտ, ճառագայթանման նախշեր: Կավամաններից մյուսը հաստ պատերով, սև փայլով թասիկ է, բերանի լայնությունը՝ 18 և խորությունը՝ 4 սմ: Երրորդ կավամանը, որ նույնպես թաս է, ունի ավելի բարակ պատեր և նուրբ պոռնկներ և ավելի խորունկ է (աղ. II, 1):



Աղ. IV

Հինգևորդ դամբարանը բարակ սալերից ձևավորված կանոնավոր քարարկղ է, երկարությունը՝ 1,5, իսկ լայնությունը՝ 1 մետր է: Դամբարանում կային երկաթի և փտած փայտի բազմաթիվ բեկորներ: Հանգուցյալների մոտ տեղաված վարդա-կավագույն ձծումն (աղ. I, 7) ունի 51 սմ բարձրություն և փորի 122 սմ պտագիծ: Նրա նուրբ ու փոփած պոռնկները զարդարված են հատիկանման խորաքանդակ նախ-

շերով, իսկ վզի տակից բաշված են անշանոն գծանախշեր: Ձծումի բերանի և հատակի տրամագիծը 15 սմ է: Նա փորի մեջտեղում ունի ծորակ՝ թանը թափելու համար: Կավամանեներից մյուսը բաց երկնագույն թասիկ է (աղ. I, 1), պատրաստված ընտիր, լավ մաղած բարձրորակ կավից: Ունի գերազանց ամրություն և հարվածից զրնգում է ճենապակու նման: Սամի փոքր ավելի մեծ է բլթակավոր թասիկից,

որ գտնվել է նույն տեղում: Նրա տակը նախշագարդ է (աղ. I, 4): Նման թասիկներ դեռևս չեն հանդիպել նոյեմբերյանի շրջանի հնավայրերում: Դամբարանում գտնվել են նաև բրոնզե փոքրիկ շղթայիկներ ու այլ զարդեր, որոնցից ուշագրավը յուրօրինակ ճարմանդն է (աղ. IV, 3), որ օձանման գլխիկ ունի և երիզված է նուրբ ու բարակ գծանախշերով: Ըարմանդի երկարությունը 4.5, իսկ լայնությունը՝ 3.5 սմ է:

Վեցերորդ դամբարանը սովորական քարարկղ է, կողմերը ձևավորված մեկական սալիկից: Նրա երկարությունը 145, իսկ լայնությունը՝ 64 սմ է: Գետնի մակերեսից մինչև ծածկասալը 80 սմ է, իսկ բուն դամբարանի խորությունը՝ 55 սմ: Դամբարանում ղեմ-գիմաց թաղված էին հրկու հանգուցյալ: Հայտնաբերվեցին պաստայից պատրաստված սև գույնի մի մեծ ուլունք և կավագույն մանրահատիկ նուրբ ուլունքներ: Հանգուցյալների հետ զրված խեցիներից գավը (աղ. I, 6) ունի 24 սմ բարձրություն, բերանի և հատակի տրամագիծը 9 սմ է: Նմանվում է վաղ հայկական տարածված գավերին, ունի տանձանման մարմին, վեր ձգված վիզ և աղեղնաձև բունակ: Խեցանոթներից մյուսը խորունկ թաս է (աղ. II, 1), աննախշ, ունի սև փայլ, հաստ պատեր և պատրաստման որակով նման չէ վաղ հայկական խեցեղենի տեսակներին:

Յոթերորդ դամբարանում գտնված կավամաններից լայնաբերան գավը, որ կավագույն է և

հիշեցնում է վաղ հայկական օրինակները, ունի պտուկով աղեղնաձև բունակ: Փոքր կավամանը անպոռնկ է, ունի նուրբ ու բարակ պատեր և գորշ գույն (աղ. II, 3): Սա հավանաբար օգտագործվել է աղ կամ համեմունքներ պահելու համար: Մյուս կավամանը, որի բռնակը կոտրրված է (աղ. III, 2), ունի տանձաձև իրան, վեր ձգված վիզ և հավանաբար ունեցել է աղեղնաձև բունակ: Ինչպես այս անոթը, այնպես էլ դամբարանադաշտում հանդիպող մի շարք խեցանոթներ պետք է ենթադրել, որ վերաբերում են զարգացած ևրկաթի դարաշրջանից վաղ հայկականին անցման փուլին: Այս դամբարանում գտնված երկաթե նիզակը (աղ. IV, 1) ունի 26 սմ երկարություն և շերտի 3 սմ լայնություն: Սա Հայաստանում ամենատարածված տեսակներից է, որ հանդիպում է ամենուրեք, հատկապես հյուսիս-արևելյան շրջաններում:

Նոյեմբերյանի Բերդատեղի նորահայտ դամբարանադաշտի հարուստ հնագիտական նյութերը ապացուցում են, որ մ. թ. ա. IX—IV դդ. այստեղ ապրող ցեղերը ունեցել են զարգացած կուլտուրա, զրադվել են ևրկրագործությամբ, անասնապահությամբ և խեցեղործությամբ: Նըշված վալրից ոչ հեռու հայտնաբերված հանքամշակության օջախներն ու գործիքները հաստատում են, որ այս շրջանների տեղաբնիկները զրադվել են նաև մետաղամշակությամբ և առևտրա-տնտեսական կապեր են ունեցել Առաջավոր Ասիայի երկրների հետ:

Ս. ՉԻԼԻՆԴԱՐՅԱՆ.